



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Sequitur confirmatio Episcopalis super Beneficio S. in Hagenhil.

urn:nbn:de:hbz:466:1-13578

pendat emolumenta distribuatur, aliaque ministret eisdem Ecclesiastica Sacramenta, vna cum cimiterio & libera sepultura pro omnibus & singulis personis, quas in ipso Canonicorum Collegio, nec non hospitali pro tempore mori contigerit prout dictus Dominus *Vlricus* senior de *Abensperg* in literis Apostolicis vera bulla bullatis, Sanctissimi in Christo Patris & Domini, Domini *Innocentij* diuina prouidentia Papæ sexti impetrauit, verum etiam, vt prædicti Canonici presbyteri cum eorum Decano gaudeant eisdem libertatibus & iuribus, quibus alia Ecclesiæ collegiatæ in Diocesi Ratisbonensi gaudere dinoscuntur & nihilominus ab eisdem Domini *Vlrici* senioris de *Abensperg* ac hæredum suorum prætorum & successorum suorum eorundem præsentatione: cum aliquis de prædicto Collegio Canonicorum viam fuerit vniuersæ carnis ingressus per Decanum & reliquos Canonicos de Collegio prædicto alius discretus & approbatus sacerdos recipiatur, & sibi de iuribus & redditibus Stalle in Choro & Capituli provideatur per eosdem. Quapropter prædictus Dominus *Vlricus* de *Abensperg* Senior cum suis hæredibus supradictis nobis humiliter cum instantia supplicauit, quatenus ipsorum fundation, seu dotation. Collegij & hospitalis prædictorum ac pie mentis intention: dignaremur gloriosus & gratiosus confirmare, Nos verò ad votiuam ipsorum instantiam eandem fundationem ratam habentes & gratam, ipsamque cum omnibus aliis adquirendis in posterum supradicto rescripto apostolico & iuribus Ecclesiæ parochialis in *Eßing* in omnibus tamen saluis, quibus in nulla parte volumus derogare, auctoritate nostra in quantum de iure possumus ex certa nostra scientia approbamus & præsentibus confirmamus in quorum robur & testimonium prædictorum præsentibus nostris procuratoris & Capituli nostri duximus roborandas. Datum & Actum Anno Domini Millesimo tricentesimo sexagesimo septimo, in crastino sancti *Vdalrici* egregij Confessoris atque Pontificis.

Sequitur confirmatio Episcopalis super Beneficio

S. in *Hagenhil.*

ALBERTVS Dei & Apostolicæ sedis gratia Episcopus *Ratisbonensis*, vniuersis & singulis has literas inspecturis, salutem in Domino sempiternam. Honorabilium & circumspectorum armigerum nobis in Christo dilectorum *Caspari* & *Erasmi Geben* fratrum nostræ *Ratisbonensis* Diocesis, exhibita nobis petito continebat. Quod cum ipsi quandam Capellam sitam in Cimiterio parochialis Ecclesiæ in *Hagenhil* dictæ nostræ *Ratisbonensis* Diocesis ad laudem & gloriam omnipotentis Dei, beatissimæque genitricis suæ virginis *Mariæ* totiusque Curia cœlestis triumphantis, ac ob salutem & remedium animarum suarum progenitorumque & successorum suorum, & omnium animarum fidelium defunctorum, vnam missam perpetuò celebrandam fundauerint & de propriis suis bonis pro vno presbytero seu capellano, perpetuo ibi tenendo, copiosè dotauerint, videlicet bonis & redditibus subscriptis. Item primo vnam curiam in *Schaffhyl* soluentem singulis annis duas scaphas cum dimidia filiginis & totidem scaphas auenæ, dimidiam scapham tritici & totidem ordeï mensuræ in *Almanstein* ac sexaginta denarios Ratis. de pratis in vulgo *Wißgelt*. Item in *Nidertolling* vnam curiam, soluentem etiam singulis annis duas scaphas filiginis & totidem scaphas auenæ, dimidiam scapham tritici, & totidem ordeï, mensuræ prædictæ & duos panes, vulgariter nuncupatos *zwo Weißhait*. Item in ambabus villis dictis *Osendorf* & in *Hyttenhausen* decimas, cum quatuor scaphis cuiuslibet bladi, & duarum dictarum pratis in vulgo, *zway Tagwerch* *Wismaths*. Item in *Hagenhil* vnam

vnā domum cum arboribus & hortis ab alijs attinentijs suis, & vnā Hubam soluentem singulis annis duas scaphas siliginis & auenę mensurę supradictę, & quadraginta denarios Ratis: de pratis vulgariter *Wispgete* pro quibus bonis & redditibus, sic enumeratis, quilibet Sacerdos seu Capellanus institutus vel institutus debet & tenetur in Capella predicta absque ipsius Parochialis Ecclesię in *Hagenhyl*, periculo & detrimento prefatam celebrare missam, vna die singulis hebdomadis per annum duntaxat excepta in qua vacare poterit, & si legitimum ac euidentis impedimentum euenierit, poterit & per duos abstinere dies, quia pro celebrando missa dominicum altare quotidie accedere laboriosum est, Cene etiam Domini parasceues, & vigilia pasche diebus duntaxat exceptis, in huiusmodi missis non est solitum celebrari, debet etiam & tenetur idem Capellanus hebdomadatim feria secunda ipsam Ecclesiam circuire, aspersorium per cimiterium spargendo, & memoriam ipsorum fundatorum ac progenitorum suorum agere, debet etiam & tenetur in omnibus festiuitatibus Beatę Marię Virginis, ac diebus Apostolorum & signanter in summis festiuitatibus, videlicet Natiuitatis Christi, Epiphanię, Palmarum, Cene Domini, Parasceues, Pasche, Ascensionis Domini, Pentecostes, & per octauas corporis Christi, Dedicacionis parochialis Ecclesię, diuinis interesse officijs, de nocte in vesperis & mane missarum solemnibus & omnibus predictis festiuitatibus sepedictus Capellanus debet peragere ipsam missam, sine detrimento parochialis Ecclesię supradictę, tenetur etiam plebanus ibidem in die dedicacionis prememorate Capellę fideliter assistere, & si vnus alicuius potentis personę presens extiterit, ipse Capellanus in ipsa matrice Ecclesię, ad iussum plebani celebrabit, & tenetur etiam sepedictus Capellanus, ipsi plebano, qui pro tempore est aut erit in omnibus licitis & honestis obedire, si vero Capellanus, qui pro nunc est, aut in futurum erit, circa premissa negligens fuerit, predictam missam, sub forma vt premititur, non agendo totiens quotiens, hoc sine impedimento legitimo contigerit ad solutionem quatuor denariorum, ad predictam missam ipsius Capellę dandam puniatur, ipse condignam reatus sui pœnam sentiat, & quis tã meritorium & salubre in perpetua maneat firmitate, ius vero patronatus sibi & successoribus suis masculini sexus, ac deinde venerabili Capitulo Ecclesię Collegiatę in *Essing* seruando & retinendo, ita quod ipsi & hæredes sui masculini sexus in perpetuum si qui fuerint ad dies vitę suę, quod si non fuerint, totiens quotiens tunc ipsam Capellam seu missam vacare contigerit, prefatum capitulum eligere habet, idoneum & discretum presbyterum eundemque nobis & successoribus nostris, infra tempus, à Canonibus diffinitum presentandum per nos aut Vicarium nostrum eundem presbyterum ad dictam Capellam & missam instituendam. Quę omnia & singula honorabilis vir Dominus *Friedericus Stettner* Rector dictę parochialis Ecclesię in *Hagenhyl*, coram nobis attentauit, eisq; pro se & successoribus suis dictę Ecclesię, in *Hagenhyl*, Rectoribus libere & expresse consensit. Quare predicti *Caspar* & *Erasmus* nobis debita cum instantia humiliter & instantè supplicarunt, quatenus nos predictę missę foundationem & dotacionem presbyteris seu Capellani ordinationem ac missę celebrationem admittere & ex specialigratia confirmare dignaremur. Nos igitur opus tam laudabile & salubre benigno prosequentes affectu, volentesque prefatorum *Caspari* & *Erasmii* Gebenfratrum comendandum in Domino propositum fauorabiliter promouere, prefatę missę celebrandę foundationis presbyterisque seu Capellani institutionis & ordinationis contractum, pro vtrite & rationabiliter factus & initus est in forma, iuxta donationis ipsorum *Caspari* & *Erasmii* fratrum litteram quam apud nostras presentes litteras teneri volumus pro insertis & conseruari in

omnibus suis clausulis, Capitulis, & pœnis vniuersis autoritate nostra ordinaria omni via, ordine & modo, quibus melius de iure valere potest præsentibus confirmamus, approbamus, ratificamus, ac robur habere decernimus perpetuæ firmitatis, prædictam missam in perpetuum beneficium erigendo, saluis tamen iuribus Ecclesiæ parochialis in Hagenhyl, in cuius contemptum nihil approbare volumus, nec aliquomodo tenemur prohiberi: sub intermin: diuini Iudicij, ne quis aduersus ea facere, aut ea ausu temerario præsumat violare, nec etiam quouis modo infringere. In quorum omnium evidens testimonium, & certitudinem firmiorem, præsentibus fieri iussimus litteras, maioris nostri sigilli munimine roborat: Datum *Ratisbonæ*, Anno Domini Millesimo, quadringentesimo, quarto decimo, die verò vicesima quinta mensis Octobris.

ETAL MONASTERIUM ORDINIS S. BENEDICTI. &c.

IMPERATOR Ludouicus quartus (vt habet historia Monasterij, sed Ioannes Laurent: in Annalibus suis, lib. 7. fol. 790. non meminit historie sequentis, forte non satis fide digna &c.) cum propter nimias impensas, quas in Italia fecerat, ita vt ei iam necessarij sumptus pro reditu in Germaniam deficerent, admodum sollicitus esset, venienti quadam die ad sese Monacho, & spem facienti, illum ex his malis emerfurum: ea conditione, si postquam in Germaniam redisset, Monasterium in loco suæ ditionis, quod dicatur Ampherang, in honorem Dei & beatissimæ Virginis Mariæ extrueret, fidem dedit, se illud sedulo executurum, & Cœnobium in prædicto loco sibi tunc ignoto conditurum. Quamobrem illico à quodam Regulo Italiæ, quem vnâ cum ditione sua libertatis iure donauit, magnam pecuniæ vim accepit; ita vt oppignorata omnia redimere possit. In Germaniam itaque reuersus, in Partenkirchen à quodam suo venatore Magistro, Henrico Vend nomine, exceptus est, ex quo de loco illo Ampherang quæsiuit; Cumque ille in vicinia iam esse diceret, eo que Imperatorem deduceret, iussit Imperator illic ligneam domunculam pro venatore ædificare, syluamque inibi olim latronum receptaculum extirpari, & ita Monasterium, quod promiserat erigi, in honorem B. Mariæ Virginis, posuitque primum lapidem, simul quoque offerens effigiem beatæ Virginis ex alabastro factam, quam illi Monachus in Italia dederat, quæ vsque hodie adhuc ibi ostenditur, in die Vitalis Martyris, Anno 1330. Instituitq; Abbatiam S. Benedicti pro 20. Monachis, quorum 14. Sacerdotes esse deberent: Primus Abbas ex Monasterio Reichenbach huc positus, nomine Fridericus Henrichreuter, post cuius obitum Priorem in Nidernaltaich, nomine Eberhardum, Abbatem huius loci fecit. Posuerat eodem loco tredecim Equites auratos emeritos; quorum vnus Magister ac superior esset, vnâ cum coniugibus eorum, ac aliquot viduis, quibus æquè ac Sacerdotibus omnia ad vitæ sustentationem necessaria præberi ordinauit, atque hoc Cœnobium vocauit Etal. Durauit hæc constitutio vsque ad obitum Imperatoris, postea filij ipsius bona illa & redditus ad se rapiebant, ita vt oportuerit illos milites hinc alio migrare. Et Abbas Eberhardus, resignatione facta, rediit ad suum Monasterium Nidernaltaich. Tertius Abbas, nomine Iodocus ab Agenyvang, fuit homo magnificus, sub quo Monasterium magnam suorum bonorum iacturam fecit. sub huius Abbatis anno quarto Marchio, scilicet Ludouicus filius Imperatoris, qui antea multa bona abstulerat, constituit Aduocatum Monasterio nomine. Henricum Eschilpeck, qui antea scriba Monasterij fuerat; hic magno ære alieno grauauit Cœnobium. Præfuit, deinde alium, nomine Fridericum